

Ilumik pisinnermut atatillugu illup qanoq innera pillugu naliliinermik sanasoqartalernissaanut inatsisitigut piumasaqaateqartalernissamut atatillugu aningaasatigut iluaqutissanik ajoqutaasunillu misissuisoqarnissaa pillugu kiisalu illumik pisinnermut atatillugu illut nukimmik atuisarnerat pillugu nalunaaqutsiisarnissap inatsisitigut piumasaqaataalernissaanut atatillugu misissuisoqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut.

Aamma misissuinermi ilanngullugu paasiniaqquneqarpoq sillimmasiisarfiit piginnittut nikinneranni suleqataanissaminnut piumasaqaatigisinnaasaat kissaataallu.

Misissuinerup inernera Inatsisartunut agguaanneqassaaq 2017-imi ulloq 1. januaari tikitsinnagu.

(Inatsisartuni ilaasortaq Justus Hansen, Demokraatit)

Akissuteqaat

(Ineqarnermut, Sanaartornermut Attaveqaatigiinnermullu Naalakkersuisoq)

Aappassaanneerpeqarnera

Matumuuna Naalakkersuisut sinnerlugit Sanaartornermut Ataatsimiititaliaq isumaliutissiissuteqarneranut qutsavigaara.

Naalakkersuisut maluginiarpaat, Sanaartornermut Ataatsimiititaliap isumaqatigiissup isumaliutissiissut, UPA 2012-imi saqqummiunneqartoq siunnersuutip matuma Inatsisartuni akuerineqarnissaanut innersuussinermini tunngavigigaa.

Matumuuna Naalakkersuisut siunnersuutip akuerineqarnissaanut tapersiissuteqarnertik nalunaarutigaa, aammalu Inatsisartuni suliarineqarnissaa qilanaaraarput.